

PREDGOVOR

PETOM IZMIJENJENOM I DOPUNJENOM IZDANJU

Pred nama je peto, izmijenjeno i dopunjeno izdanje udžbenika *Ustavno pravo* koje predajemo javnosti, a posebno studentima fakulteta pravnih nauka. Prvo izdanje pojavilo se 1999, drugo 2000, treće 2002, četvrto 2006. i ovo posljednje – peto izdanje 2015. godine.

U ovom, petom izdanju ima nekoliko bitnih izmjena i dopuna. Prvo pored autora ranijih izdanja profesora Rajka Kuzmanovića, uveden je i koautor profesor Siniša Karan, koji je dao doprinos izmjenama i dopunama drugog posebnog dijela (ustavna dinamika – glave: od petnaeste do dvadesete). Drugo, znatno su skraćeni ili izostavljeni tekstovi o ekonomskim pitanjima, o Saveznoj Republici Jugoslaviji, o državnoj zajednici Srbiji i Crnoj Gori. Treće, neki dijelovi znatno su dopunjeni, kao što su: Evropska unija, Brčko distrikt, kantonalne vlasti, notarijat i dr., a neki su znatno šire, odnosno potpunije obrađeni, kao npr. sistem organizacije vlasti u Bosni i Hercegovini i u Federaciji BiH.

Udžbenik *Ustavno pravo* strukturisan je tako da ga čine dva dijela: prvi je **opšti** (ustavna teorija) i drugi **posebni** (ustavna dinamika). Oba dijela obuhvataju dvadeset poglavlja (glava).

Rad na udžbeniku *Ustavno pravo* u Bosni i Hercegovini – Republici Srpskoj i Federaciji BiH znatno je otežan, prije svega zbog specifičnog položaja BiH, koja je pod dominacijom tzv. međunarodne zajednice, koja donosi neustavne odluke, pa je BiH kao takva pretežno nesuverena. U takvim uslovima Ustav ne predstavlja *lex superior*, niti garantuje sigurnost građana i države, jer se stalno narušava.

Banja Luka, jun 2015.

Autori